

Ka Mopresidente
Thomas S. Monson



Ditsholofetso tsa Tlhwathwa tsa Buka ya ga Momone

Dingwaga tse dintsi tse di fitileng Ke ne ka ema fa thoko ga bolao jwa rre yo mmotlana jaaka a ne a eme gareng ga botshelo le loso. Mosadi wa gagwe le bana ba gagwe ba babedi bao ba neng ba tshwenyegile ba ne ba eme gaufi. O ne a tsaya letsogo lame go le isa go la gagwe, ka tebego e e kopang, a re, “Bishopo, Ke a itse gore ke tloga ke e swa. Mpolelele gore go diragalang go mowa wame fa Ke dira jalo.”

Ke ne ka fa thapelo e e didimetseng go kaelwa selegodimo mme ka lemoga mo thoko ga bolao jwa gagwe jwa tafole kgatiso ya tshwaraganyo ya tse tharo. Ke ne ka otlololela buka mme ka boka ditsebe(tsa yone). Ka tshoganetso ka lemoga gore ke kgonne, mo e seng ka thata go nna, go ema kwa kgaolong ya bo 40 ya ga Alema mo Bukeng ya ga Momone. Ke ne ka bala mafoko a go ene.

“Bonang, go itsisitswe go nna ke moengele, gore mewa ya batho botlhe, fela jaaka e emelela go tswa mo mmeleng, . . . e tseelwa gae kwa Modimong o o e fileng botshelo.

“Mme . . . mewa ya bao ba ba siameng e amogelwe mo seemong sa boitumelo, se se bidiwang lefelo lele itshekileng, seemo sa boikhutso, seemo sa kagiso, kwa batlaa ikhutsang go tswa mo tlhokomelong yotlhe, le mathokong” (Alma 40:11–12).

Jaaka Ke ne ke tswelsetse ka go bala ka Tsogo ya baswi, phatshimo ya tla mo sefatlhegong sa monna yo mmotlana mme monyenyo wa tlhoganolofatsa dipou-nama tsa gagwe. Jaaka fa ke ne ke fetsa loeto lwame, Ke ne ka re gosime go lelwapa leo le le rategang.

Ke ne ka bona mosadi wa gagwe le bana gape ko phitlhong. Ke akanya morago ka bosigo jo fa monna yo mmotlana a ne a kopa boammaaruri mme, gotsweng Bukeng ya ga Momone, a utlwa karabo go potso ya gagwe.

Gotsweng Bukeng ya ga Momone gotla ditsholofetso tse dingwe tsa tlhwathwa, go balelwa ditsholofetso tsa kagiso, kgololo, le masego fa re “ka direla Modimo wa lefatshe, yo eleng Jeso Keresete” (Ether 2:12).

Gotsweng ditsebeng tsa yone go tla ditsholofetso tsa “boitumelo jo bo sa feleng” go bao ba ba tshegetsang melao ya Modimo. Gonne bona, ba segofaditswe mo dilong tsoitlhe, gotlhe mogo tsa selefatshe le tsa semowa” (Mosiah 2:41).

Gotsweng ditsebeng tsa yone go tla tsholofelo e “ya boitumelo e e fetang e e ka tlhaloganyesegang” go bao ba ba “nnang [di]sederisiwa mo matsogong a Modimo” mo go pholoseng barwa le barwaetsana ba Gagwe (Alma 28:8; 29:9).

Gotsweng ditsebeng tsa yone gotla tsholofelo ya gore

Iseraele yo o phatlhaletseng o tlaa kgobokanngwa— tiro eo eleng gore re mo go yone ka maiteko a rona a magolo a boanamisa tumelo lefatsheng ka bophara (bona 3 Nephi 16; 21–22).

Gotsweng ditsebeng tsa yone gotla tsholofelo ya gore jaaka fa re rapela go Rara ka leina le le boitshepo la ga Jeso Keresete, malwapa a rona a tlaa segofadiwa (bona 3 Nephi 18:21).

Go tsweng go ithuteng ga ditsebe tsa yone go tla tiragatso ya tsholofetso ya boporofeti ya gore “go tlaa tla mo matshelong a lona le mo magaeng a lona selekanyo se se tlaleditsweng sa Mowa wa Morena, tshwetso e e thatafaditsweng ya go tsamaya mo kobamelong mo me-laong ya Gagwe, le bopaki jo bo tshelang jwa Morwa Modimo.”¹

Mme gotsweng ditsebeng tsa Buka ya ga Momone go tla ditsholofetso tsa ga Moronae tsa gore ka thapelo, le maikaelelo a nnete, le ka tumelo go Keresete, re ka itse boammaaruri jwa ditsholofetso tse “ka maatla a Mowa o o Boitshepo” (bona Moroni 10:4–5).

Le baporofeti ba bangwe ba malatsi a bofelo, Ke fa bopaki jwa boammaaruri jwa (buka) e “e nnete thata mo go epe buka mo lefatsheng,”² le tota Buka ya ga

Momone, bosupi jo bongwe ka ga Jeso Keresete. Molaetsa wa yone o paraletse lefatshhe mme o tlise babadi ba yona mo kitsong ya boammaaruri. Ke bopaki jwame gore Buka ya ga Momone e fetola matshele. Tla mongwe le mongwe wa rona a e baleng mme a e bale gape. Mme tla ka boipelo re abelaneng bopaki jwa rona ka ditsholofetso tsa yone tsa tlhwatlhwa le botlhe bana ba Modimo.

DINTLHA

1. Gordon B. Hinckley, “A Testimony Vibrant and True,” *Liahona*, Aug. 2005, 6.
2. *Dithuto tsa Boporesidente jwa Kereke Joseph Smith* (2007), 64.

GO RUTA GO TSWA MOLAETSENG O.

Mo mafokong a tumelo “re bona melawana ya boammaaruri eo e tlaa rarabololang ketsaetsego nngwe le nngwe le mathata mangwe le mangwe le kakabalo nngwe le nngwe eo e tlaa itebaganyang le lelwapa la motho” (*Go ruta, Gagona Pitso e e Fetang E* [1999], 51). Jaaka fa o abelana molaetsa wa ga Moporesidente Monson le ba lelwapa, ba laletse go reetsa “ditsholofetso tsa tlhwatlhwa” tseo a di itseseng mo Bukeng ya ga Momone. O kanna wa abelana tsholofetso mo Bukeng ya ga Momone eo e nnileng le boleng go wena.



Tumelo • Lelwapa • Thuso

Ga Re Sa Belaele

Bala sedirisiwa se, fa go tlhokega, buisanya le bakaulengwe bao ba etelang. Dirisa dipotso go thusa gore o thatafatse bakaulengwe mme o dire Mokgatlho wa Thuso gore e nne ntlha mngwe ya botshelo jwa gago e e tlhaga.

Mo Bukeng ya ga Momone re bala ka ga sekao sa banna potlana bao ba neng ba gankafetse fela thata, bale bopelokgale, gape ba nonofile. “Ee, e ne ele banna ba ba boammaaruri le tlhoafalo, gonne bane ba rutilwe go tshegetsatsela dita-elo tsa Modimo le go tsamaya ka tlhamalalo fa pele ga gagwe” (Alma 53:21). Banna ba ba potlana ba ba boikanyego ba ne ba a fa tlotla go bo mmaabo — sekai sa bone le thutuntsho.

Bomma bana ba batlhabani ba ga Helamene ba ne ba tshela mo dinakong tse di fapaaneng le tsa rona. Diemo tsa bone dine di le bokete gape dile borai, mme le banana ba ne ba bileliwa go sireletsa kgololo ya senama le ya semowa. Gompiano re tshela mo lefatsheng le re “sa kgaretlheng kgatlhanong le senama le madi, mme kgatlhanong le melawana, kgatlhanong le maatla, kgatlhanong le babusi ba lefifi ba lefatshe le, kgatlhanong le masula a semowa ao a leng kwa mafelong a kwa godimo” (Ephesians 6:12).

Dinako tsa dikgwetlho di bileletsa godimo go botsadi jo bo thata le dikai tseo di rutang boammaaruri jo batlhabani ba ga Helamane ba neng ba bo itse: “Ga ba ne ba sa belaele, Modimo o tlaa ba golola” (Alma

56:47). Go ruta le go fa sekai sa boammaaruri jo gompiano go tloka tlhokomelo. Le fa gontse jalo, ga re tlhoke go boifa. Fa re itse gore re bo mang le gore Modimo ke mang le gore re dirile dikgolagano le Ene, le rona — jaaka bomma bana ba batlhabani — re ka nna le tlhotlhetso e kgolo ya bomolemo.

Go ka bo go kgonegile mo go bale bantsi, batlhabani ba ga Helamene bao ba ba 2,060 gore ba bo ba tlhotlheditswe ke mme. Mme bomma bana ba ba ne ba sa bereke bale nosi. Mmogo le banna le basadi ba bangwe ba ba siami, bomma bana ba tshwanetse ba bo ba kopantse tumelo le sekai go ruta maatla a kgolagano. Batho ba ba nnye ba letsatsi leo ba ne ba tlhaloganya kgolagano e batsadi ba bone ba e dirileng gore ba seka ba tsena mo ntweng. Mme le tota fa go ne go lebege go sa kgonege, Rraetsho yo o kwa Legodimo yo o lorato o ne a bula tsela go batsadi ba gore ba tshegetse kgolagano ya bone — l e go nna le kgololo ya bone (bonae Alma 56:5–9). Le rona jaaka bone re tshwanetse go tlotla dikgolagano tsa rona gore bana le banana — bana ba rona le bao baleng mo diwateng, makalaneng, boagisanying, le metseng ya rona—ba tlaa tlhaloganyang le go

rotloetsa go tshegetsatsela kgolagano.

Fa re tlotla dikgolagano tsa rona, Rraetsho yo o kwa Legodimong a ka re baakanyetsa tsela. Re tshwanetse go tshela dikgolagano tsa rona ka tlhamalalo. Re ka kgona, sekai, go rapela ka tlhamalalo, ka go bala mafoko a thuto, ka go tshegetsatsela tseletso ya tempele e ntsha, ka go apara ka bori, ka go tlotla Sabatha. Jaaka re dira jalo, bana ba rona ba tlaa itse mme ba kgone gore ba re, “Ga re belaele bommaarona ba ne ba itse” (Alma 56:48).

Basadi ba Baitshepi ba malatsi a-bofelo ba ba lemogang gore thata ya bone e tswa mo Tefong ya Morena ga ba ineele ka sebaka sa bothata le nako tse di nyemisang marapo. Jaaka re le batshegetsi ba kgolagano, re gaisa mo go tsholetseng, go tlameleng, le go sireletseneng bana le banana gore letsatsi lengwe re ka re go dikokomane tse di golang tse, “Ga ke is eke k eke bone bopelokgale jo bogolo jalo, nnyaa, e seng gareng ga botlhe” (Alma 56:45).

Julie B. Beck, Moporesidente wa Kakaretso wa Mokgatlho wa Thuso.

Go tsweng mo Mafokong a tumelo

Alma 53; 56–58

Ke ka dirang?

- 1.** Ke ka thusa jang Bakaulengwe bame go lemoga le go diragatsa mo matleng ao ba tshwanetseng go tlotlheletsa dikokomana tse di go golang?
- 2.** Ke ka bona tlotlheletso efe mo Bukeng ya ga Momone go araba dikgwetlho tse Ke lebagang natso gompiano?

Go bona molaetsa yo montsi, ya ko www.reliefsociety.lds.org